

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-21125/21
Sarajevo, 12.01.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

**o izboru najpovoljnijeg ponuđača u predmetu – Rekonstrukcija poslovnog prostora
u ulici Trg nezavisnosti br.12 radi uspostavljanja ambulante porodične medicine**

I

Prihvata se preporuka Komisije za javnu nabavku radova i ugovor u predmetu - „Rekonstrukcija poslovnog prostora u ulici Trg nezavisnosti br.12 radi uspostavljanja ambulante porodične medicine” broj obavještenja 422-1-3-201-3-178/21, objavljeno na Portalu javnih nabavki dana 05.11.2021.godine i “Službenom glasniku BiH - Oglasnik javne nabavke”, br.69/21 od 12.11.2021.godine, dodjeljuje se ponuđaču „Sela“ d.o.o. Sarajevo, sa ponuđenom cijenom za ugovor u iznosu od 69.783,07 KM bez PDV-a, odnosno 81.646,19 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-21125/21 od 04.11.2021. godine Općina Novi Grad Sarajevo pokrenula je otvoreni postupak javne nabavke „Rekonstrukcija poslovnog prostora u ulici Trg nezavisnosti br.12 radi uspostavljanja ambulante porodične medicine” broj obavještenja 422-1-3-201-3-178/21, objavljeno na Portalu javnih nabavki dana 05.11.2021.godine i “Službenom glasniku BiH - Oglasnik javne nabavke”, br.69/21 od 12.11.2021.godine. Zapisnikom o otvaranju ponuda od 29.11.2021. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača:

1. ZZ „Gros-comp“ d.o.o. Hadžići
2. „Sela“ d.o.o. Sarajevo
3. „Dinalsa“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač ZZ „Gros-comp“ d.o.o. Hadžići ne ispunjava kvalifikacioni uslov tražen u tenderskoj dokumentaciji iz tačke 3.4.2. (b) tehnička i profesionalna sposobnost – tj. Dokaz izdat od PIO ili MIO ili Porezne

uprave da ponuđač u radnom odnosu ima zaposlenog jednog diplomiranog inženjera – građevinske ili arhitektonske struke sa datumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija). Uvidom u dostavljenu ponudu konstatovano je da je ponuđač dostavio ovjerenu kopiju uvjerenja koje je izdala Prezna ispostava Hadžići pod brojem 13-9/8-12-5-5341/21 od 20.10.2021.godine, dakle starije od 30 dana računajući od dana utvrđenog kao krajnji rok za predaju ponuda a kao krajnji rok za predaju ponuda je određen 29.11.2021.godine, te je komisija konstatovala da ponuđač nije ispunio uslove iz ove tačke tenderske dokumentacije.

Nadalje, ponuđač ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost da je ponuđač opremljen neophodnom opremom za obavljanje predmetnih radova; Oprema: prevozno sredstvo (kamion) do 5t – 1kom. Uvidom u dostavljenu dokumentaciju ponuđača ZZ„Gros-comp“ d.o.o. Hadžići konstatovano je da ponuđač nije dostavio dokaz da je opremljen opremom koja je tražena u tenderskoj dokumentaciji tj nije dostavio dokaz o posjedovanju ili ugovor o iznajmljivanju kamiona nosivosti do 5t. Ponuđač je kao dokaz o obezbijedenosti opreme dostavio saobraćajnu dozvolu za kamion, međutim Komisija je konstatovala da je nosivost kamiona za koji je dostavljena saobraćajna dozvola veća od tražene (preko 5t).

Iz naprijed navedenih razloga utvrđeno je da ponuđač „ZZ„Gros-comp“ d.o.o. Hadžići ne ispunjava uslove tražene u tenderskoj dokumentaciji iz tački 3.4.1. (b) i 3.4.2. (b) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da ponude ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponude te konstatovala da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Sela“ d.o.o. Sarajevo sa ponuđenom cijenom za ugovor u iznosu od 69.783,07 KM bez PDV-a, 2. „Dinalsa“ d.o.o. Sarajevo sa ponuđenom cijenom za ugovor u iznosu od 78.545,78 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 09.12.2021. godine sa početkom u 11:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-201/21 od 09.12.2021.godine, utvrđeno je da nije bilo podnošenja ponuda te je Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Sela“ d.o.o. Sarajevo sa ponuđenom cijenom za ugovor u iznosu od 69.783,07 KM bez PDV-a,
2. „Dinalsa“ d.o.o. Sarajevo sa ponuđenom cijenom za ugovor u iznosu od 78.545,78 KM bez PDV-a,

Komisija je nadalje utvrdila da je predmetna ponuda ponuđača „Sela“ d.o.o. Sarajevo u iznosu od 11.646,19 KM veća od iznosa određenog u Odluci o pokretanju postupka javne nabavke (gdje procijenjena vrijednost predmetne nabavke iznosi 70.000,00 KM sa PDV-om). Komisija je od Službe za finansije zatražila stručno mišljenje o mogućnosti odobravanja dodatnih sredstava u skladu sa Zakonom o javnim nabavkama. Mišljenjem broj 02/09-11-sl/2022 od 10.01.2022.godine Služba za finansije dala je saglasnost na traženi dodatni iznos od 11.646,19 KM, te je na osnovu te saglasnosti Komisija nastavila sa procedurom javne nabavke.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „Sela“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić